



## **KOMUNIKADO PA PRENSA**

*Fecha*

19 di mei 2015

*Account Manager*

Jhanirha Da Costa Gomez-Anita

*Email*

[jhanirha.anita@gobiernu.cw](mailto:jhanirha.anita@gobiernu.cw)

### **Dia 2 di konferensha 'Seshon Stratégiko: Plan Horizonte 2030'**

**Willemstad** - Riba djaluna 18 di mei último Minister di Tráfiko, Transporte i Planifikashon Urbano (VVRP), Suzy Camelia-Römer, huntu ku su ministerio i otro organisashonnan ligá, a reuní pa e di 2 dia di e konferensha 'Seshon Stratégiko Plan Horizonte 2030'.

Meta di e konferensha aki ta pa huntu yega na un plan di maneho stratégiko ku ta enfoká riba mehoransa di e servisio, efisiensia i efektivitat den e área di tráfiko, transporte i planifikashon urbano basá riba inovashon, integrashon i inklushon.

Durante e konferensha di djaluna, direktornan di e NV,- i fundashon nan ku ta kai bou di VVRP a duna un presentashon amplio di nan mishon, vishon, tareanan i plannan pa futuro.

E organisashonnan ku a presentá tabata: Dutch Caribbean Air Navigation Service Provider (DC-ANSP), Bureau TeleCommunicatie en Post (BTP), C-Post International, PSB Bank, Fundashon Kas Popular (FKP), United TeleCommunication Services (UTS), Stichting Kadaster, Autobus Bedrijf Curaçao (ABC), Stichting Wegenfonds Curaçao (SWC), i Stadsherstel N.V.

Dia 26 di mei próksimo, kual ta e último dia di e konferensha, lo konsultá ku partnernan sosial riba Plan Horizonte 2030.

Despues ku e konferensha konkluí, lo diskutí esaki den Konseho di Minister pa asina determiná un direkshon konkreto pa tráfiko, transporte i planifikashon urbano den nos pais. Alabes, Minister Camelia-Römer ta spera di por debatí kontenido di e Plan Horizonte 2030 ku representantenan di Parlamento di Kòrsou.